

Giryama - Kiroho K'ondo Maoro - SW Intro Scriptures

Luka 17:5 O ahumwi makimwamba Jesu, "Rihende kuluhiro rehu ringezeke."

ARumi 10:17 Kwa vizho mut'u akuluhira bada ya kusikira neno ra Masihi.

Luka 11:1 Siku mwenga Jesu were a hat'u anavoya. Bai arihogonya ko kuvoya, mumwenga kahi za o anafundzie akimwamba, "Bwana, hufundishe kuvoya, here Johana naye arizhoafundisha anafundzie."

1 T'imoth'i 2:1-4 Vikara dzulu za mavoyo, nikahendza kwandza kamare muavoyere at'u osini. Avoyereni aryahu mario mana mahitaji, na kidza muvoyere at'u angine-angine pia. Mbozani muyera kwa Mulungu kwa ut'u wa at'u osini, 2 Avoyereni athawali na at'u angine osi mario ni vilongozi. Vivi vindafuhendya futoet'o na dheri, hasiho fujo yoyosi na futoe kimulungu na kieri. 3 Fukihenda vivi, fundakala funahenda ut'u udzo kidza uriwo unamufwahiza ye Mulungu mwokoli wehu. 4 Mulungu anahendza at'u osi maokolwe na madze mamanye ujeri.

Luka 22:31 Kidza Jesu akiamba, "Simoni, Simoni! Lola Shethani adzamumala ili amuhehet'e dza here mut'u ahehet'azho ngano.

Zakaria 3:1,2 - Juda 1:9 Hatha ye malaika mubomu mwenye wa osi aifwaye Mikaeli kisha ut'u dza uu k'auhendere. Kwani arihokala ananenezana na Shethani dzulu za ni h'ani andiyehala mwiri wa Musa, iye Mikaeli K'amudzigidzyire iye Shethani kwa kuhumira maneno mapashu, ela tha wahenda kuamba, "Mulungu na akuchemere!"

AEfeso 6:12 Kwani k'ahuheha na vit'u zhenye mwiri na mulatso, hatha. At'u siswi funaheha na athawali, na wadimi, na nguvu za urumwengu uu wa kiza. Kidza funaheha na majeshi ga p'ep'o, garigo kuko dzulu.

AEfeso 6:10,11 Mwisho kamare, kalani na nguvu kahi za Bwana, na kahi za wadimi wa kwakwe munji. 11 Valani silaha zosi za Mulungu, ili mudime kuupinga ujanja wa Shethani.

AEfeso 6:13-17 Kwa vizho halani silaha zosi za Mulungu, ili siku mbii ikidza mudime kushinda. Na mundihokala mudzagamarigiza gosini, muenderere kuimat'o. 14 Bai imani imara kwa kuuthuwa ujeri wa Mulungu, nawo uwo undakala here ukanda wa kudzifunga mumo zhununi mwenu. Hendani garyahu garigo ni hachi mbere za Mulungu, na iyo hachi indakala here kiziyo cha kathi renu. 15 Kalani thayari-thayari na Uyoro Udzo wa dheri, na vizho vindakala ndizho virahu zha maguluni mwenu zha kumwaviza kuimat'o. 16 Dzulu ya vivi zhosi, kalani na kuluhiro, na riro kuluhiro rindakala here ngao ya kuizinyira mivi yosi ya moho kula kwa yuyahu Mui. 17 Uhalireni wokolwi here kofia ra chuma ra kudziziyira kitswa, na neno ra Mulungu rikale upanga wenu wa kiroho.

AEburania 4:12 Kwani neno ra Mulungu ri moyo na rina nguvu, rinarya kukira mushu wa kurya kosi-kosi. Rinadunga kahi za miyo yehu na maroho gehu, na kwangira-ngira kahi za vilungo zhehu zhosi, kahi za misoza na mudhetso, na kumanya maazo na nia za miyo yehu.

Luka 4:8 Jesu akimudzigidzya akiamba, "Zhaorwa kukala, 'Muvoye Bwana Mulunguo na umuhumikire iye h'akeye! '"

AEfeso 6:18 Kalani mukivoya kahi za Roho wakathi wosi, mavoyo ga kila samupuli na ga mahitaji genu. Kalani matso, na muenderere kuavoyerera at'u osi a Mulungu.

1 Samueli 17:45-47 - Daudi & Goliath

Luka 10:17-20 Badaye aryahu anafundzi mirongo mifungahe na airi mauya kuno mana raha makiamba, "Bwana, lola bewe hatha o p'ep'o manahusikira siswi kwa dzinaro." 18 Jesu akiadzigidzya akiamba, "Namona Shethani anagwa kula mulunguni dza here lumethe. 19 Lolani, namup'a wadimi wa kuzhoga nyoka na mah'ambini na wadimi wa kuzishinda nguvu zosi za iye hadhui. K'akuna chochosi kindichomulumiza. 20 Ela hamwenga na vizho musihende raha kwa kukala o p'ep'o manamusirikiza, ela hendani raha kwa kukala madzina genu gaorwa ko mulunguni."

2 AKorintho 10:3-5 Mana idzaho funaishi kahi za mwiri, ela k'ahupiga k'ondo ya kimwiri bule. 4 Viyera zhehu zha viha si zha kibinadamu ela ni viyera zhenye nguvu za Mulungu, vidimazho kubanda-banda ngome. Kwa viyera vivi hunabanda-banda k'anani za ulongo, 5 na kila kit'u kidzinulacho, kiimacho kupinga at'u masimumanye Mulungu. Nikugwira mateka maazo gosi na kugahendya gamusikire Masihi.

2 T'imoth'i 1:7 Mana iye Mulungu k'ahup'ire roho ya woga, ela wahup'a roho ya kuhuhendya hukale na nguvu, huhendzane na hutoe kwa akili.

Math'ayo 12:28,29 Ela nikimboza p'ep'o kwa Roho wa Mulungu, be wo uthawali wa Mulungu udzamudzirira. 29 Kwani k'akuna mut'u adimaye kungira kahi za nyumba ya mut'u mwenye nguvu na kumuuhoka vit'uzhe hasiho kumufunga ye mwenye kwandza, ndo adime kumuuhoka zho vit'uzhe."

AEfeso 1:13 Ninwi nanwi mwasikira neno ra ujeri, wo Uyoro Udzo wa kumuokola, mukimukuluhira Masihi. Vikara kwa kukala mwakuluhira, mwangizwa muvano wa Roho Mweri, ariye iye ndiye ariyekala walagwa andakudza.

Mahendo 19:6 P'aulo arihoaikira mikono, makihokera Roho mweri na makinena na luga na makinena ga Mulungu.

Mariko 16:15-18 Akiambira, "H'aya bai endani kahi za urumwengu wosi mukauhubiri Uyoro Udzo wa Mulungu kwa at'u a kila samupuli. 16 Iye andiyekuluhira na kubat'izwa yundaokoka, na iye ariye k'andakuluhira yundahukumiwa. 17 Na ao makuluhirao mandagerwa miyano ii ya wadimi. Kwa dzina rangu mandamboza p'ep'o na mandanena na luga nyingine. 18

Mandagwira nyoka na k'amandaaluma, na hatha makinwa ut'u wa kwalaga, k'amandaafwa kamare, mandaaiakira mikono akongo nao mandahola."

1 Johana 1:9 Ela fukizisema dambi zehu Iwazu kwa Mulungu, iye andafusamehe na afuusize uwi wosini. Mana iye Mulungu ni mwaminifu na muhachi.

Zaburi 109:17 - Jakobu 3:10 H'aya, ko kanwa kamwenga kanamboza maneno ga kumulika Mulungu na ga kulomberera at'u mai. Ndugu zangu, vizho sozho.

Hukumu 16:16 - 2 P'et'ero 2:7/8 Bai kahi za mudzi uwo wa Sodomu kwere kuna mut'u ariyeifwa Lutu. Lutu were ni muhachi naye were k'atsamirwa kamare ni go maitsi-maitsi ga at'u a midzi iyo. Were kila wakathi akiona hedu kusikira go maitsi gakalago mumo, be were akashikithika sana moyoni mwakwe. K'uzhona bai, Mulungu arihokala anamala kuyononga-nonga yo midzi wamuthizha ye Lutu, kwa kukala were ni muhachi.

AEfeso 4:26 Mukitsukirwa, musihende dambi kwa ut'u wa kuko kutsukirwa kwenu. Na pia mutsukirwaho, musikale a mulomo futu hatha kukatswa, ARumi 14:12 Kwa vizho kila mumwenga wehu andamboza hesabuye mwenye mbere za Mulungu.

1 Johana 2:23 Mut'u amukahalaye iye Mwana wa Mulungu, be hatha iye Baba naye kidza k'amo mo moyoni mwakwe. Mut'u amukubaliye na kanwake iye Mwana, bai iye Baba a ndani mwakwe.

Johana 14:6 Bai Jesu akimudzigidzya akiamba, "Mimi ndimi ngira, ndimi ujeri na ndimi uzima, k'akuna adimaye kudza kwa Baba asihokirira kwangu.

Math'ayo 11:28-30 "Ndzoni kwangu ninwi nyosi musirimao, na murio mudzaremererwa ni mizigo nami nindamuoyeza. 29 Rivaleni gogo rangu, mudzifundishe kwangu, kwa kukala mimi ni mup'eho na mup'ore, nanwi mundaoya kamare kahi za maroho genu. 30 Kwani gogo rangu ni shushu na muzigo wangu k'auremerera."

2 AKorintho 6:2 Kwani Mulungu anaamba, "Nakusirikiza kwa wakathi mudzo, Wakathi wa wokolwi nikidzakwaviza." Bai, lola! Wakathi mudzo ni vivi kare, lola wakathi wa wokolwi ni vivi kare.

ARumi 10:13 Kwani Maoro ganaamba kukala, "Kila andiyemwiha Bwana, Bwana andamwakola."

Exodus 20:5 - sin cursed to 3 & 4 generations